

Contoh Penulisan Berita 1

Tajuk	Program Penguasaan Bahasa Arab bagi Program FPPP
<p>Perenggan 1 Pengenalan (maklumat umum program)</p>	<p>Bahasa Arab termasuk dalam kumpulan sepuluh bahasa utama dunia. Penggunaan bahasa Arab dapat dilihat dalam pelbagai bidang termasuk agama, ekonomi, perundangan, pendidikan, pelancongan dan sebagainya. Dalam era globalisasi hari ini, bidang ekonomi dan perbankan Islam mendapat sambutan amat baik daripada banyak pihak termasuk institusi yang penubuhan asalnya tidak berteraskan Islam. Sektor ekonomi dan perbankan sedang giat memperkenalkan produk-produk berasaskan sistem Islam.</p>
<p>Perenggan 2 Isi:</p> <ol style="list-style-type: none"> 1. Tarikh, tempat 2. Nama program 3. Peserta 4. Penganjur 	<p>Berdasarkan senario semasa ini, penguasaan bahasa Arab dilihat sebagai satu keperluan kepada pelajar bagi melahirkan graduan yang lebih kompeten dalam bidang masing-masing. Program Penguasaan Bahasa Arab (<i>Barnamij at-Ta'ziz al-Lughawi</i>) bagi pelajar Fakulti Pengurusan Perniagaan dan Perakaunan (FPPP) seramai 162 orang pelajar termasuk empat orang pelajar bukan Islam. Tanggungjawab telah diberikan kepada Pusat Pengajian Bahasa Arab, FBK untuk melaksanakan program ini. Program ini telah berlangsung selama dua semester.</p>
<p>Perenggan 3 Isi:</p> <ol style="list-style-type: none"> 1. Objektif utama 2. Impak kepada: <ol style="list-style-type: none"> a. Peserta b. UniSZA c. Masyarakat d. Negara 	<p>Majlis tersebut dirasmikan oleh Dekan Fakulti Bahasa dan Komunikasi (FBK), Puan Azizah Endut. Program ini merupakan cetusan idea mantan Pengerusi Lembaga Pengarah Universiti (LPU) iaitu Dato' Zolkipli Abdul yang berhasrat melahirkan kumpulan graduan daripada bidang Kewangan Islam dan Pengurusan Risiko & Takaful yang mampu menguasai bahasa Arab. Program ini memberi fokus kepada aspek komunikasi bahasa Arab. Semua pengisian program ini telah dirangka secara teliti bagi mencapai objektif penganjurannya.</p>
<p>Perenggan 4 Isi:</p> <ol style="list-style-type: none"> 1. Petikan ucapan (inti pati utama)perasmian / ucapnama 2. Petikan maklumbalas peserta / masyarakat / individu lain yang berkaitan 	<p>Dalam ucapan penutupan program ini Puan Azizah Endut menasihatkan para pelajar agar terus mempraktikkan penggunaan bahasa Arab yang telah dipelajari selama dua semester ini dan jangan sesekali berasa malu untuk bercakap. "Jika kita tidak bercakap, kita tidak akan dapat tahu di mana kesilapan kita dalam berbahasa." katanya yang turut menegaskan bahawa bahasa Arab perlu dilihat sebagai satu bahasa global yang penting. Dengan adanya pengetahuan berbahasa Arab, diharapkan graduan FPPP UniSZA dapat bersaing dalam dunia pekerjaan yang terbaik pada masa akan datang.</p>
<p>Perenggan 5 Isi:</p> <ol style="list-style-type: none"> 1. Huraian perjalanan program / aktiviti utama 	<p>Kemuncaknya ialah penganjuran Majlis Penutup yang diadakan pada 22 Mei 2013 bertempat di Dewan Kuliah Utama, Kampus Gong Badak, UniSZA.</p>
<p>Perenggan 6 Penutup / Rumusan / Kesimpulan</p>	<p>Majlis Penutup diserikan dengan persembahan <i>Kalam Jama'i</i> (Bicara Berirama) dan tayangan klip video bahasa Arab. Hadiah turut disampaikan kepada pemenang pertandingan <i>Al-Munazarah</i> (Debat), <i>Taqdim al-Mashru'at</i> (Pembentangan Projek) dan pembikinan klip video bahasa Arab.</p>

Contoh Penulisan Berita 2

Tajuk	Konvensyen Pembimbing Rakan Siswa Kebangsaan 2012
Perenggan 3 Maklumat umum program	Konvensyen ini dilihat sebagai satu medium yang amat baik dalam mencetus transformasi terhadap potensi diri, minda dan tingkah laku mahasiswa/i untuk melahirkan Generasi Y yang mampu menjadi pemangkin terhadap aspirasi negara.
Perenggan 1 Isi: <ol style="list-style-type: none"> 1. Objektif utama 2. Impak kepada: <ol style="list-style-type: none"> a. Peserta b. UniSZA c. Masyarakat d. Negara 	Konvensyen Pembimbing Rakan Siswa Kebangsaan 2012 diadakan dengan tujuan memberi pendedahan khusus kepada semua peserta mengenai potensi masa hadapan Generasi Y serta nilai-nilai murni yang perlu diterapkan dan diaplikasikan dalam kehidupan mereka. Program ini dilihat berupaya menjadi platform kepada mahasiswa/i untuk bersama-sama menggembleng tenaga dan mengeluarkan idea bagi melakukan transformasi Generasi Y yang selari dengan aspirasi negara.
Perenggan 2 Isi: <ol style="list-style-type: none"> 1. Tarikh, tempat 2. Nama program (sekiranya perlu) 3. Peserta 4. Penganjur 	Sehubungan dengan itu, pada 2-4 November 2012 bertempat di Dewan Auditorium Bangunan Akademik UniSZA, Unit Kaunseling dan Kerjaya, HEPA dengan kerjasama Majlis Kaunseling dan Kerjaya IPTA Malaysia telah menganjurkan konvensyen berkenaan yang disertai oleh 200 orang peserta dari seluruh IPT.
Perenggan 4 Isi: <ol style="list-style-type: none"> 1. Petikan ucapan (inti pati utama)perasmian / ucaptama 2. Petikan maklumbalas peserta / masyarakat / individu lain yang berkaitan 	Berdasarkan tinjauan yang dilakukan, rata-rata peserta dan individu yang terlibat memberikan maklumbalas yang positif dan berharap agar konvensyen yang berimpak besar sebegini diteruskan pada masa akan datang.
Perenggan 5 Isi: <ol style="list-style-type: none"> 1. Huraian perjalanan program / aktiviti utama 	Konvensyen diakhiri dengan penganjuran Majlis Makan Malam di Pusat Konvensyen TTI. Dalam majlis tersebut, telah berlangsung sesi penyerahan resolusi konvensyen oleh wakil pelajar PRSK kepada wakil MAKUMA.
Perenggan 6 Penutup / Rumusan / Kesimpulan	Program ini diharap mampu mencari titik tolak penyelesaian terhadap permasalahan isu semasa yang timbul melibatkan <i>Gen Y</i> secara khusus dan masyarakat Malaysia secara amnya.

Contoh Penulisan Berita 3

Tajuk	Bengkel Jurnal Terindeks dan Berimpak Tinggi
<p>Perenggan 1 Isi:</p> <ol style="list-style-type: none"> 1. Petikan ucapan (inti pati utama)perasmian / ucapnama 2. Petikan maklumbalas peserta / masyarakat / individu lain yang berkaitan 	<p>“Para pensyarah dan penyelidik perlu memainkan peranan dan menggiatkan usaha dalam menghasilkan penerbitan yang berkualiti dan menepati kriteria yang digariskan oleh badan pengindeksan.” Saranan ini dilontarkan oleh Timbalan Naib Canselor (Akademik dan Antarabangsa), Prof. Dr. Amran Ahmed dalam ucapan perasmian Bengkel Jurnal Terindeks dan Berimpak Tinggi pada 18 Jun 2013. Ujarnya lagi, pemilihan media penerbitan yang tepat amat penting dalam usaha untuk memastikan sesuatu hasil penerbitan itu berupaya disebarluas serta menyumbang kepada manfaat komuniti penyelidik yang lebih luas.</p>
<p>Perenggan 2 Maklumat umum program</p>	<p>Sememangnya penerbitan artikel ilmiah dalam jurnal-jurnal yang diindeks dalam pangkalan data berprestij dan berimpak tinggi merupakan satu tanggungjawab para pensyarah universiti. Usaha memperbanyakkan penerbitan artikel dalam jurnal akademik berprestij sememangnya dapat meningkatkan mutu pendidikan bagi sesebuah universiti.</p>
<p>Perenggan 3 Isi:</p> <ol style="list-style-type: none"> 1. Tarikh, tempat 2. Nama program 3. Peserta 4. Penganjur 	<p>Sejajar dengan hasrat pihak kementerian dan universiti dalam meningkatkan bilangan penerbitan artikel dalam jurnal akademik bermutu tinggi, Perpustakaan UniSZA dengan kerjasama Pusat Pengurusan Penyelidikan dan Inovasi (CRIM) telah menganjurkan Bengkel Jurnal Terindeks dan Berimpak Tinggi bertempat di Makmal Komputer, Aras Dua, Bangunan Perpustakaan. Program ini telah berlangsung selama dua hari bermula 18 – 19 Jun 2013. Ia melibatkan seramai 50 orang peserta yang terdiri daripada para pensyarah, pustakawan dan juga pelajar pasca siswazah.</p>
<p>Perenggan 4 Isi:</p> <ol style="list-style-type: none"> 1. Objektif utama 2. Impak kepada: <ol style="list-style-type: none"> a. Peserta a. UniSZA b. Masyarakat c. Negara 	<p>Objektif penganjuran bengkel ini ialah untuk memberi pendedahan kepada peserta dalam memahami kaedah penyediaan data penerbitan bagi memenuhi keperluan <i>Malaysia Research Assessment (MyRA)</i>, universiti penyelidikan dan Pelan Strategik Pengajian Tinggi Negara (PSPTN) serta berkongsi pengalaman dan latihan amali mengenai <i>ISI Web of Science, Scopus, Journal Citation Reports (JCR)</i>, H-indeks dan perisian <i>Harzing’s Publish or Perish</i>. Penganjuran bengkel ini dilihat sebagai satu keperluan kepada para penyelidik khususnya di UniSZA dalam usaha untuk menghasilkan penulisan yang bertaraf antarabangsa.</p>
<p>Perenggan 5 Isi:</p> <ol style="list-style-type: none"> 1. Huraian perjalanan program / aktiviti utama 	<p>Program ini terbahagi kepada beberapa sesi yang dikendalikan oleh pakar-pakar yang dijemput khas dari institusi penyelidikan luar.</p>

Perenggan 6 Penutup / Rumusan / Kesimpulan	Sambutan yang diterima untuk program ini amat menggalakkan dan reaksi yang diberikan oleh para peserta juga amat positif. Justeru, pihak CRIM bersetuju untuk bekerjasama dengan pihak perpustakaan untuk menganjurkan program seperti ini pada masa akan datang.
--	---